

六
典
通
考

大典通考卷一百六十七

湖西閭鎮珩輯

職方考

周初職方

騶衍之書稱天下有大九州其一曰赤縣神州今之中國是也中國外如赤縣神州者九其名見于河圖括地象是謂大九州自神農以上帝者皆兼而治之後世德薄不能及遠止治神州神州者東南一州耳百家傳記有謂神農之地過日月之表東西九十萬里南北八十五萬里其說虛誕不足信也黃帝旁行天下作爲舟車以濟不通于是命豎亥步自東極至于西極五億十萬

九千八百八步以周天之度推之積二億三萬九百一十三里徑三十五萬六千九百七十里所謂東西爲經南北爲緯天有十二次日月之所經地有十二辰王侯之所國也少昊德衰共工氏霸有九州其子曰后土實能平之然其制無聞及顓頊改建帝嚳受之則孔子稱其地北至幽陵南暨交趾西蹈流沙東極蟠木日月所照莫不底屬是以建萬國而制九州焉堯遭洪水天下裂絕乃分冀州東北以爲幽州分青州以北謂之營州故書曰肇十有二州及禹平水土更制九州冀州堯都土界廣遠濟河爲兗州海岱爲青州海岱及淮爲徐州淮海爲揚州荆及衡陽爲荊州荆河爲豫州華陽黑水

爲梁州黑水西河爲雍州九州之內析爲五服畿內五
百里曰甸服百里賦納摠二百里納銓三百里納秸服
四百里粟五百里米畿外五百里曰侯服百里采二百
里任三百里侯侯服外五百里曰綏服三百里揆文教
二百里奮武衛綏服外五百里曰要服三百里夷二百
里蔡要服外五百里曰荒服三百里蠻二百里流東漸
于海西被于流沙南浮于江而朔南暨聲教窮暨亥所
步莫不率俾會羣后于塗山執玉帛者萬國至桀亂德
諸侯相兼其能存者三千餘國方於塗山十損其七矣
殷湯革夏亦建九州自兩河之間至于江南濟東皆仍
禹舊號而以燕爲幽州齊爲營州幽則冀州北境也營

則禹貢青州也周黜殷祀監于二代以徐并青以梁并
離分冀州爲幽并于時虞夏舊封尙存千八百國而分
天下爲九畿王畿方千里其外曰侯畿又外曰甸畿又
外曰南畿又外曰采畿又外曰衛畿又外曰蠻畿又外
曰夷畿又外曰鎮畿又外曰藩畿至成王時亦曰九州
屬職方氏其後王室浸衰諸侯征伐互相吞并不可勝
數自平王東遷迄于獲麟之末其名著見春秋經傳者
僅百七十國焉百三十九知其所居魯邾鄭宋紀衛西
虢莒齊陳杞蔡邢邲晉薛許鄧秦曹楚隨黃梁虞鄆小
邾徐燕邵麋舒庸鄒萊吳越有窮三苗瓜州有虞東虢
共宿申夷向南燕滕凡戴息邾丙魏淳于穀巴州蓼羅

賴牟葛譚蕭遂滑權鄣霍耿江冀弦道柏微鄆厲項密
任須句顗臾頓管雍畢豐邗應蔣茅肱夔介焦沈六巢
根牟唐黎郇瑕寒有鬲斟灌斟尋過有過戈郛鑄豕韋
唐杜楊幽鄆觀扈邳胡黎大庭貽鍾吾蒲姑昆吾房密
須甲父鄆桐亳韓趙三十一國盡亡其處祭極荀賈貳
軫絞於餘丘陽其英氏毛羽莘偃封父仍有仍崇鄆庸
嬈奄商奄褒姒尊有緡闕鞏颺醜夷窮桑蠻夷戎狄不
在其間陵夷至于戰國七雄鼎立攻城爭地更百餘年
而其後卒爲暴秦所殘滅秦旣得志患兵爭不休乃分
天下爲郡縣罷侯王而置守宰漢氏因之雖頗有改作
然不能復古也至唐廢繼世之法而郡縣遂爲永制其

間增易沿革詳錄在史氏今不能悉舉姑撮其大凡著之以爲職方考至于屯戍防守險要之區或阻關塞或倚江海古今之事勢不同各隨其宜而設之備亦言地利者所宜審辨也作險固考係于職方後云

職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害

天下之圖如今司空輿地圖也東方曰夷南方曰蠻西方曰戎北方曰貉狄閩蠻之別也四八

七九五

六周之所服國數也爾雅

乃辨九州之國使同貫利

也

東南曰揚州其山鎮曰會稽其澤藪曰具區其川三江

其浸五湖其利金錫竹箭其民二男五女其畜宜鳥獸其穀

宜稻

鎮名山安地德者也會稽在山陰大澤曰藪具區五湖在吳南浸可以爲陂灌漑者錫鐵也箭篠也鳥獸孔雀

鸞鵲鵲尾
象之屬

正南曰荊州其山鎮曰衡山其澤藪曰雲瞢其川

江漢其浸潁湛其利丹銀齒革其民一男二女其畜宜鳥獸

其穀宜稻

衡山在湘南雲瞢在華容潁出陽城宜屬豫州在此非也湛未聞齒象齒也革犀兕革也河南

曰豫州其山鎮曰華山其澤藪曰圃田其川滎雒其浸波澆

其利林漆絲枲其民二男三女其畜宜六擾其穀宜五種

在華陰圃田在中牟滎宛水也出東垣入于河洑爲滎滎在滎陽波讀爲播禹貢曰滎播既都澆宜屬荊州在此非也林

竹木也正東曰青州其山鎮曰沂山其澤藪曰望諸其川淮泗

其浸沂沭其利蒲魚其民二男二女其畜宜雞狗其穀宜稻

麥

沂山沂水所出也在蓋望諸明都也在睢陽沭出東莞二男二女數等似誤也蓋當與兖州同二男三女河東

曰兖州其山鎮曰岱山其澤藪曰大野其川河洸其浸盧維

其利蒲魚其民二男三女其畜宜六擾其穀宜四種

岱山在大野

在鉅野盧維當爲雷雍禹貢曰雷夏既澤雍沮會同雷夏在城陽四種黍稷稻麥

正西曰雍州其山

鎮曰嶽山其澤藪曰弦蒲其川涇汭其浸渭洛其利玉石其

民三男二女其畜宜牛馬其穀宜黍稷

嶽吳嶽也及弦蒲在涇涇出涇陽汭在幽

地出懷德東北曰幽州其山鎮曰醫無閭其澤藪曰貍養其川河

沛其浸薺時其利魚鹽其民一男三女其畜宜四擾其穀宜

種醫無閭在遼東箕養在長廣菑出萊蕪時出般陽四擾馬牛羊豕三種黍稷稻

河內曰冀州其山

鎮曰霍山其澤藪曰楊紆其川漳其浸汾潞其利松柏其民

五男三女其畜宜牛羊其穀宜黍稷

霍山在兔楊紆所在未聞漳出長子汾出汾陽

潞出歸德正北曰并州其山鎮曰恆山其澤藪曰昭餘祁其川虒

池嘔夷其浸涑易其利布帛其民二男三女其畜宜五擾其

穀宜五種

恆山在上曲陽昭餘祁在鄆虒池出鹵城嘔夷祁夷與出平舒涑出廣昌易出故安此州界楊荆豫

兗雍冀與禹貢畧同青州則徐州地也幽州則青冀之北也無徐梁

遼師掌四方之地名辨

其邱陵墳衍遼隰之名

地名謂東原大陸之屬

物之可以封邑者

謂相

其土地可以居民立邑

金履祥曰李氏心傳辨周禮五嶽謂周都豐鎬華山乃中嶽嵩高不得爲中嶽據爾雅河西嶽河南華河東岱江南衡河北恆則嶽山乃西嶽而華山乃中嶽爾以嵩高爲中嶽蓋東遷之後也予考禹貢冀州自有太嶽今謂之霍太山則堯都冀州以太嶽爲中嶽爾雅河西嶽周禮雍州其山鎮嶽山卽禹貢岍山又名吳嶽竊意唐虞時當以岍山爲西嶽霍太山爲中嶽而東岱南衡北恆爾衡山最遠黃帝以潛霍爲山之副然則秦以岍山爲西嶽漢武徙衡山

神於霍山歷代加封岼山多以西嶽爲言有自來矣 顧
炎武曰幽并營三州在禹貢九州之外先儒謂以冀青二
州地廣而分之殆非也幽則今涿易以北至塞外之地并
則今忻代以北至塞外之地營則今遼東大寧之地其山
川皆不載之禹貢故靡得而詳凡漢之上谷漁陽右北平
遼西遼東山川皆不載之禹貢惟碣石爲右北平驪城縣
山然此但島夷之貢道耳然而益稷之書謂弼成五服至
于五千則冀方之北不應僅數百里而止遼史地理志言
幽州在渤海之間并州北有代朔營州東暨遼海營衛志
言冀州以南歷洪水之變夏后始制城郭其人士著而居
并營以北勁風多寒隨陽遷徙歲無寧居曠土萬里或其

說之有所本也劉三吾書傳謂孔氏以遼東屬青州隔越巨海道里殊遠非所謂因高山大川以爲限之意蓋幽并營三州皆分冀州之地今亦未有所考閻若璩曰周禮職方氏并州其澤藪曰昭餘祁昭餘祁在今介休縣東北三十二里俗名鄔城泊先儒知分冀東北恆山之地爲并州則以周并州鎮曰恆山故知分冀東北醫無閭之地爲幽州則以周幽州鎮曰醫無閭故又知分青東北遼東等處爲營州則以爾雅釋地齊曰營州故也不然徵周禮爾雅二書欲於禹九州外故舉舜三州之名且不可得況疆理所至哉舜本紀稱其地北發息慎息慎卽肅慎爲今寧古塔去京師三千二百四十二里下訖三代武王通之來貢

楷矢成王伐之遂來賀況在有虞盛世其爲營州之地無疑

東周列國分野

周地柳七星張之分野也今之河南雒陽穀城平陰偃師鞏緱氏是其分也昔周公營雒邑以爲在于上中故立京師至幽王淫褒姒以滅宗周子平王東居雒邑至於王赧乃爲秦所兼初雒邑與宗周通封畿通在二封之地共千里也宗周里爲方百里者六十四也雒邑成周也方六百里六六三十六爲方百里者三十六三都得百里者方千里也故詩云邦畿千里東西長而南北短短長相覆爲千里至襄王以河內賜晉文公又爲諸侯所侵故其分墜小白柳三度至張十二度謂之鶉火之次周之分也

秦昭王時西周盡獻其地邑三十六口三萬受獻而歸其人至莊襄

王滅東西周王國七城而已

魯地奎婁之分野也東至東海南有泗水

至淮得陵淮之下相睢陵僅取慮皆魯分也周以少昊之虛曲阜封伯禽爲魯侯三十四世爲楚所滅然本大國故自爲分野東平須昌壽良皆在濟東屬魯非宋地也 宋地房星之分野也今之沛梁楚山陽濟陰東平及東郡之須昌壽張皆宋分也周封微子於宋今之睢陽是也本陶唐氏火正閼伯之虛濟陰定陶詩風曹國也武王封弟叔振鐸於曹其後稍大得山陽陳畱二十餘世爲宋所滅自微子二十餘世至景公滅曹後五世亦爲齊楚魏所滅參分其地魏得其梁陳畱齊得其濟陰東平楚得其沛故今之楚彭城本宋也春秋經曰圍宋彭城宋雖滅本大國故自爲分野 衛地營室東

壁之分野也今之東郡及魏郡黎陽河內之野王朝歌皆衛分也衛本國爲狄所滅文公徙封楚邱子成公又徙於帝丘故春秋經曰衛遷於帝丘今之濮陽是也本顓頊之虛故謂之帝丘成公後十餘世爲韓魏所侵盡亡其旁邑獨有濮陽秦滅濮陽置東郡徙之於野王始皇并天下獨置衛君二世時乃廢爲庶人凡四十世九百年最後絕故自爲分野 魏地背鴈參之分野也其界自高陵以東盡河東河內南有陳畱及汝南之召陵潁疆新汲西華長平潁川之舞陽鄆許僞陵河南之開封中牟陽武酸棗卷皆魏分也河內本殷舊都周滅殷分其畿內爲三國詩風邶庸衛國是也邶以封紂子武庚庸管叔尹之衛蔡叔尹之謂之三監武王崩三監畔周

公誅之盡以其地封弟康叔遷邶庸之民于維邑傳十六世
懿公亡道爲狄所滅齊桓公更封衛於河南曹楚丘是爲文
公而河內陰虛更屬晉河東土地平易本唐堯所居成王滅
唐而封叔虞唐有晉水及叔虞子燮爲晉侯故參爲晉星魏
國亦姬姓也在晉之南河曲自唐叔十六世至獻公滅魏以
封大夫畢萬滅耿以封大夫趙夙及大夫韓武子食采於韓
原晉於是始大文公伯諸侯始有河內之土後十六世爲韓
魏趙所滅三家皆自立爲諸侯是爲三晉

日知錄晉自武公滅翼

今翼城縣

而王命曲沃伯以一軍爲晉

侯其時疆土未廣至獻公始大攷之於傳滅楊

今洪洞縣

滅霍

今霍州

滅耿

今河津縣

滅魏

在今蒲州

滅虞

今平陸縣

重耳居蒲

在今陽州

夷吾

居屈

在今吉州

太子居曲沃

今聞喜縣

而公都絳

今太平縣

不過今平陽

一府之境

國語宰孔謂晉侯景霍以爲城而汾河涑涪以爲淵是也

而滅虢

在今陝州

滅焦

在今陝州

則跨大河之南

史記晉世家言獻公時晉疆西有河

曰河內河曲也內音

至惠公敗韓之後秦征河東則內及

解

今臨晉縣

狄取狐厨

今鄉寧縣

涉汾而晉境稍蹙文公始啟南陽

得今之懷慶襄公敗秦于殽自此惠公賂秦之地復爲晉

有而以河西爲境若霍太山以北大都皆狄地不屬於晉

文公作三行以禦狄襄公敗狄於箕而狄患始稀悼公用

魏絳和戎之謀以貨易土

在文公後六十年

平公用荀吳敗狄于

太原於是晉之北境至於洞渦雒陰之間而鄆祁

並今祈縣

平

陵梗陽

今清源縣

涂水

今榆次縣

馬首孟

今孟縣

爲祁氏之邑晉陽

今太原

原爲趙氏之邑矣若成公滅赤狄潞氏而得今之潞安頃
公滅肥滅鼓而得今之眞定皆一一可考晉之滅狄其用
兵有次第宣公十五年滅潞氏十六年滅甲氏及畱呼成
公十一年伐麇咎如而上黨爲晉有矣昭公元年敗無終
及羣狄於大鹵而太原爲晉有矣然後出師以臨山東昭
公十二年滅肥二十二年滅鼓於是太行以南之地謂之
南陽太行以東之地謂之東陽水經注引馬季長曰晉地
陽自朝歌以南
至軹爲南陽

韓地角亢氏之分野也韓分晉得南陽郡及潁川之父城定
陵襄城潁陽潁陰長社陽翟郟東接汝南西接弘農得新安
宜陽皆韓分也及詩風陳鄭之國與韓同是分焉鄭國今河

南之新鄭本高辛氏火正祝融之虛也及成皐滎陽潁川之
崇高陽城皆鄭分也本周宣王弟友食采畿內是爲桓公其
子武公與平王東遷定虢會之地右雒左沛食溱洧焉自武
公後二十三世爲韓所滅陳國今淮陽之地陳本太昊之虛
周武王封舜後妯滿於陳是爲胡公自胡公後二十三世爲
楚所滅陳雖屬楚於天文自若其故潁川南陽本夏禹之國
自東井六度至亢六度謂之壽星之次鄭之分野與韓同分
趙地昴畢之分野也趙分晉得趙國北有信都眞定常山
中山又得涿郡之高陽鄭州鄉東有廣平鉅鹿清河河間又
得渤海郡之東平舒中邑文安東州成平章武河以北也南
至浮水繁陽內黃斥丘西有大原定襄雲中五原上黨上黨

本韓之別郡也遠韓近趙後卒降趙皆趙分也自趙夙後九世稱侯四世敬侯徙都邯鄲至曾孫武靈王稱王五世爲秦所滅定襄雲中五原本戎狄地頗有趙齊衛楚之徙雁門亦同俗於天文別屬燕燕地尾箕分壘也武王定殷封召公於燕其後三十六世與六國俱稱王東有漁陽右北平遼西遼東西有上谷代郡雁門南得涿郡之易容城范陽北新城故安涿縣良鄉新昌及勃海之安次皆燕分也樂浪玄菟亦宜屬焉自危四度至斗六度謂之析木之次燕之分也齊地虛危之分野也東有菑川東萊琅邪高密膠東南有泰山城陽北有干乘清河以南勃海之高樂高城重合陽信西有濟南平原皆齊分也少昊之世有爽鳩氏虞夏時有季荊湯時

有逢公柏陵殷未有薄姑氏皆爲諸侯國周成王時薄姑氏與四國共作亂成王滅之以封師尙父是爲太公其後二十九世爲彊臣田和所滅而和自立爲齊侯初和之先陳公子完來奔齊齊桓公以爲大夫更稱田氏九世至和篡齊至孫威王稱王五世爲秦所滅臨淄海岱之間一都會也其中具五民云

國語齊桓公初立正封域東至于紀鄫案杜預注鄫紀邑在齊國東安平縣今臨淄縣東十九里有安平城有鄫亭卽其地也是桓公初年齊國東地尙迫狹而管仲云東至于海者特誇詞耳及後滅紀滅鄫稍并莒紀之地以自益至襄六年晏弱滅萊棠則盡有登萊之地東

至于海矣

楚地翼軫之分野也今之南郡江夏零陵桂陽武陵長沙及漢中汝南郡盡楚分也周成王時封鬻熊曾孫熊繹於荊蠻爲楚子居丹陽後十餘世至熊達是爲武王寤以疆大後五世至嚴王并吞江漢之間內滅陳魯之國後十餘世頃襄王東徙于陳江陵故郢都西通巫巴東有雲夢之饒亦一都會也吳地斗分野也今之會稽九江丹陽豫章廬江廣陵六安臨淮郡盡吳分也太伯初奔荊蠻號曰句吳太伯卒弟仲雍立至曾孫周章而武王克殷因而封之又封周章弟仲於河北是爲北吳後世謂之虞十二世爲晉所滅後二世而荊蠻之吳子壽夢盛大稱王至夫差誅子胥用宰嚭爲越王句

踐所滅越既并吳後六世爲楚所滅後秦又擊楚徙壽春壽
春合肥受南北湖皮革鮑木之輸亦一都會也 越地牽牛
婺女之分野也今之蒼梧鬱林合浦交趾九真南海日南皆
粵分也禹後帝少康之庶子封於會稽後二十世至句踐稱
王與吳爭強用范蠡大夫種計伐滅吳兼并其地度淮與齊
晉諸侯會周元王使使命爲伯後五世爲楚所滅子孫分散
君服於楚後十世至閔君搖佐諸侯平秦

太史公述十二諸侯年表始于共和終于周敬王二十
四年其時曹陳先亡而史公以六國表繼之晉衛附于
魏鄭附于韓魯蔡附于楚宋附于齊各述其國後事當
三家分晉魏獨得晉故都是曰魏惠王周霄皆自稱曰

晉國而韓趙則否史公附晉于魏以此及班固作地志載周末諸國分野亦多准此例今並錄如右

七國疆域

史記作六國年表以秦後得天下故不列于表中今總誌七國疆域仍以秦冠首

秦地於天官東井輿鬼之分野也其界自弘農故關以西京兆扶風馮翊北地上郡西河安定天水隴西南有巴蜀廣漢犍爲武都西有金城武威張掖酒泉敦煌又西南有牂柯越雋益州皆宜屬焉秦之先曰非子周孝王封爲附庸邑之于秦今隴西秦亭秦谷是也至立孫莊公破西戎有其地子襄公時幽王爲犬戎所敗平王東遷雒邑襄公救周有功賜受

郊鄴之地後八世穆公稱伯以河爲竟至惠公初稱王得上

郡西河昭王開巴蜀滅周取九鼎昭王曾孫政并六國稱皇

帝其國都咸陽河山四塞右隴蜀隴鳳翔府隴州西北六十里隴坻蜀四川保甯府劍

州以西左關坂關函谷關古關在陝州靈寶縣南十里今日皆古蜀

南府永甯縣北有甘泉谷口甘泉山在西安府涇陽縣北百北六十里

東南四十里南帶涇渭韓滅鄭徙都陽翟分并東周兼有亦曰寒門

陳之潁川陽夏地方九百餘里北有鞏洛成皋之固成皋卽虎牢

西有宜陽商坂之塞宜陽今河南府宜陽縣商坂卽商洛山在西安府商州東南九十里東有

宛穰洧水穰今南陽府鄧州洧水出禹州密縣境至陳州西華縣北合于潁水南有陘山陘山在禹

州新鄭縣南三十里亦名陘塞魏都安邑惠王畏秦徙都大梁遂割西河

外七百餘里以與秦然地尙千里東有淮潁煮棗無胥西有

長城

秦紀魏築長城自鄭濱洛以北有上郡固陽今陝西榆林衛北廢豐州境有稠陽古塞鄭今西安府華州上郡

今延安

紇德州北有古上郡城蓋南有鴻溝陳汝許鄆下引

魏惠王

時河西之地猶為魏有

河東南

為鴻溝以通宋鄭陳蔡曹衛

與濟汝

淮泗自于楚蓋卽汴河矣

河南

為

河外

趙分晉地得晉陽後自中牟徙都邯鄲并戎滅代

取中山與匈奴接境地方二千餘里西自常山至代上黨南

臨河漳東有河薄洛之水北踰句注之塞

燕都薊府今順天大興

縣東有朝鮮遼東

朝鮮今遼東塞外國北有林胡樓煩西有雲中九原

九原故城在中受降城東北四十里今陝西榆林衛廢豐州東北境

南有漳沱易水

遼戶不下七萬地方二千里南有泰山東有琅邪

琅邪山在青州府諸

城縣東南百五十里

西有清河北有渤海楚滅陳蔡并吳越取魯及

宋地方五千里西有黔中巫郡東有夏州海陽

夏口城北數里有州名夏

州在今武昌府城西楚并吳越地
東至海海陽蓋謂楚之東南境
西南蒼梧卽九疑山在今
永州府甯遠南六十里
北有徑塞郇陽
郇陽縣東南有洵
水流入漢曰洵口
洞庭蒼梧
洞庭湖在
岳州府城
郇陽
今漢中府興安州

秦置郡縣

秦始皇并兼六國罷侯置守分天下爲三十六郡內史三川
河東南陽南郡九江鄣郡會稽潁川碭郡泗水薛郡東郡琅
邪齊郡上谷漁陽右北平遼西遼東代郡鉅鹿邯鄲上黨太
原雲中九原雁門上郡隴西北地漢中巴郡蜀郡黔中長沙
其後南平百越置桂林南海象郡閩中合四十郡其地西臨
洮北沙漠東繫南帶皆臨大海
王伯厚曰三川漢河內河南
兩郡郭郡漢丹陽郡碭郡漢
梁國泗水漢沛郡薛郡漢魯國九原漢五原
郡黔中漢武陵郡內史漢三輔及恒農郡

呂祖謙曰春秋時郡屬于縣趙簡子誓眾所謂上大夫受縣下大夫受郡是也戰國時縣屬于郡秦紀惠文十年魏納上郡十五縣是也孝公用商鞅并小鄉爲大縣縣一令時尚未有郡牧守稱及魏納上郡後十餘年秦紀始書置漢中郡或者山東諸侯先變古制而秦效之歟案戰國策楚王以新城爲主郡蓋郡之所治必居形勝控扼之地郡者縣之主故謂之主郡又三川河東在諸郡首者所以陪輔關中地勢莫重焉漢分三川爲河南河內與河東號爲三河史記貨殖傳曰昔唐人都河東殷人都河內周人都河南三河在天下之中若鼎足王者所更居也 顧炎武曰漢書地理志言秦并兼四海以爲周制微弱終爲諸侯

所喪故不立尺土之封分天下之郡縣盪滅前聖之苗裔
靡有子遺後之文人祖述其說以爲廢封建立郡縣皆始
皇之所爲也以余觀之殆不然左傳僖公三十三年晉襄
公以再命命先茅之縣賞胥臣宣公十一年楚子縣陳十
二年鄭伯逆楚子之辭曰使改事君夷于九縣楚滅諸小國爲九縣
十五年晉侯賞士伯以瓜衍之縣成公六年韓獻子曰成
師以出而敗楚之二縣襄公二十六年蔡聲子曰晉人將
與之縣以比叔向三十年絳縣人或年長矣昭公三年二
宣子曰晉之別縣不惟州五年遠啟疆曰韓賦七邑皆成
縣也成縣賦百乘也又曰因其十家九縣其餘四十縣十年叔向
曰陳人聽命而遂縣之二十八年晉分祁氏之田以爲七

縣分羊舌氏之田以爲三縣哀公十七年子穀曰彭仲爽
申俘也文王以爲令尹實縣申思晏子春秋昔我先君桓
公子管仲桓與穀其縣十七說苑景公令吏致千家之縣
一於晏子戰國策智過言於智伯曰破趙則封二子者各
萬家之縣一史記秦本紀武公十年伐邽冀戎初縣之十
一年初縣杜鄭吳世家王餘祭三年子慶封朱方之縣則
當春秋之世滅人之國者固已爲縣矣按昭二十九年傳
魯縣則夏后氏已有縣之名周禮小司徒四甸爲縣遂人
五鄙爲縣縣士注距王城三百里以外至四百里曰縣亦
曰寰國語管子制齊三鄉爲寰寰有寰帥十寰爲屬屬有
大夫顏師古曰古書縣邑字皆作寰以縣爲縣挂字後人
轉用爲州縣字其縣挂
之縣又加心以別之史記吳王發九郡兵伐齊范蠡對

楚王曰楚南塞厲門而郡江東甘茂謂秦王曰宜陽大縣

名曰縣其實郡也春申君言於楚王曰淮北地邊齊其事急請以爲郡便匈奴傳言趙武靈王置雲中雁門代郡燕置上谷漁陽右北平遼西遼東郡以拒胡又言魏有河西

上郡以與戎界邊則當七國世固已有郡矣

周書作雒篇千里百縣縣

有四郡古時縣大而郡小說文周制天子地方千里分爲百縣縣有四郡至秦初置三十六郡以監其縣今按史記吳王及春申君之事則郡之統縣不始於秦

吳起爲西河守馮亭爲上黨守李

伯爲代郡守西門豹爲鄴令荀況爲蘭陵令城渾說楚新

城令衛有蒲守韓有南陽假守魏有安邑令蘇代曰請以

三萬戶之都封太守千戶封縣令

趙封馮亭亦云

而齊威王朝諸

縣令長七十二人則六國未入於秦已先爲守令長矣故

史言樂毅下齊七十餘城皆爲郡縣而齊湣王遺楚懷王

書曰四國爭事秦則楚爲郡縣矣張儀說燕昭王曰今時
趙之於秦猶郡縣也安得謂至始皇而始罷侯置守邪傳
稱禹會諸侯執玉帛者萬國至周武王僅千八百國春秋
時見於經傳者百四十餘國又并而爲十二諸侯又并而
爲七國此固其勢之所必至秦雖欲復古之制一一而封
之亦有所不能矣秦分天下爲三十六郡其中西河上郡
則因魏之故雲中雁門代郡則趙武靈王所置上谷漁陽
右北平遼西遼東郡則燕所置史記不志地理而見於匈
奴傳孟堅志皆謂之秦置者以漢所承者秦不言魏趙燕
爾

梁玉繩

曰韓世家有上黨守馮亭則上黨郡韓置而巴

蜀漢中上郡置於惠文王河東南陽黔中上黨南郡置

于昭襄王三川太原置于莊襄王俱見本紀不得全屬始

皇初置也但三十六郡之目史不詳載攷始皇置閩中南

海桂林象郡皆在後不在三十六郡內據漢志所云自河東至長沙止三十三尚缺三郡續漢郡國志則云秦有鄣郡黔中郡前志無黔中誠爲脫漏而鄣非秦郡劉敞辨之甚悉是尚缺二郡也有以鄣郡楚郡充其數者前人已辨之始皇紀集解言郡凡三十五無內史爲三十六所缺尙有一郡考水經卷十三廣陽劉縣注云秦始皇滅燕以爲廣陽郡于是三十六郡之數始備錢大昕曰秦四十郡之說昉于唐初人

然其去秦漢遠矣史記書秦始皇二十六年分天下爲三十六郡未嘗實指爲某某郡也班氏地理志列漢郡國百有三又於各郡國下詳其沿革其非漢置者或云秦置或云故秦某郡或云秦郡并之正合三十六之數是卽始皇所分之三十六郡也志末又云本秦京師爲內史分天下作三十六郡漢興以其地太大稍復開置又立諸侯王國武帝開廣三邊故自高帝增二十六文景各六武帝二十

八昭帝一迄于孝平凡郡國一百三以秦三十六郡合之高文景武昭所增置正得百有三是秦三十六郡之外更無它郡安得有四十郡哉司馬彪郡國志本沿東觀舊文亦云漢承秦三十六郡後稍分析至于孝平凡郡國百三自後漢至晉史家俱不言秦有四十郡也許叔重說文應劭風俗通高誘淮南子注皇甫謐帝王世紀述秦郡皆云三十六諸人博學洽聞豈有不讀史記者使南海三郡果在三十六郡之外何故舍多而稱少自裴駙誤解史記以畧取陸梁地在分郡之後遂別而異之其注三十六郡與漢志同者三十三別取內史鄣郡黔中三郡當之而秦遂有三十九郡晉志又增閩中一郡合爲四十嗣後精于地

理如杜君卿王應麟胡三省輩皆莫能辨四十郡之目遂
牢不可破矣或曰始皇分三十六郡據史記在二十六年
而置桂林象郡南海則在三十二年是三郡固在三十六
郡外矣應之曰史公記事言其大者始皇二十六年秦初
并天下丞相綰請封諸子李斯言封諸侯不便遂廢封建
之制諸郡置守尉監皆領于天子此秦變古之一大端故
特於是年書分天下爲三十六郡猶言廢封建爲郡縣耳
言三十六郡則統乎天下矣非謂三十六郡盡置于是年
也且始皇卽位之初已并巴蜀漢中置南郡矣北收上郡
以東有河東太原上黨郡東至滎陽滅二周置三川郡矣
五年又置東郡十七年又置潁川郡二十五年又置會稽

郡此諸郡者皆在裴駟所舉三十六郡之數不疑前文之重沓而獨疑後文之預數所謂知其一未知其二也始皇自謂以水德王數以六爲紀郡名三十六蓋取諸六自乘之若四十郡則漢人無言之者無徵之言勿聽可矣或又曰史記東越列傳秦已并天下以其地爲閩中郡閩中爲始皇置史公有明文而漢志不載豈非班氏之漏應之曰漢志丹陽郡故鄣郡不云故秦鄣郡則非秦置可知志凡稱故者皆據漢初而言如故齊故趙故梁故楚故淮南並漢初封國也泗水國云故東海郡與此文正同東海郡旣高帝置則鄣郡必漢置矣又漢志稱秦置者二十有七稱秦郡者一稱故秦某郡者八此外無稱秦者

漢十三部

漢祖革秦之敝分內史爲三部更置郡國二十有三桂陽江夏豫章河內魏郡東海楚國平原梁國定襄泰山汝南淮陽千乘東萊燕國清河信都常山中山勃海廣漢涿郡及三內史河上渭南中地凡二十有六文帝增九廣平城陽淄川濟南膠西膠東河間廬江衡山景帝加四濟北濟陰山陽北海武帝開越攘胡初置十七郡南海蒼梧鬱林合浦交趾九真日南珠崖儋耳平西南夷置牂柯越雋沈黎汶山犍爲益州西置武都又分立零陵郡其後拓土分疆又增十四恒農臨淮西河朔方酒泉陳留安定天水元菟樂浪廣陵敦煌武威張掖昭帝少事又增金城之郡至哀平之際凡新置郡國七

十有一與秦四十合一百一十有一初武帝改雍曰梁梁曰益又置徐州及交阯朔方于是兼禹貢職方州名有司隸并荆兗揚荆河冀幽青徐益交涼十三部元封五年置刺史傳車周流匪有定鎮

魏志司馬宣王報夏侯元書云故刺史稱傳車其吏言從事居無常治唐六典武帝

元光三年初置部刺史十三人居無常所後漢則皆有定所閭若璩云通鑑齊孝王孫謀發兵臨淄殺青州刺史此刺史適在臨淄非必治所胡三省乃云臨淄青州刺史治豈知西漢刺史稱傳車居無常處者乎

元始元年置

大司農部丞十三人人部一州凡縣邑三百一十四道三十

二侯國二百四十一地東西九千三百二里南北萬三千三

百六十八里四年置西海郡

漢志郡國一百三十一從晉書作百一十一

閭若璩曰郡國志凡縣名先書郡所治惟東漢則然西漢

不爾歷攷志傳爲治者二十有六江陵平襄宛陽翟劭彭

城邯鄲臨淄雒陽廣陵昌邑吳壽春郟相成都長子濮陽
無鹽魯江州涿焚道故苴蘭邛都滇池不爲治者三梁國
首碭卻不爲治治睢陽王國以內史治民而梁內史韓安
國從王於睢陽汝南郡首平輿亦不爲治治上蔡見翟方
進傳左馮翊首高陵亦不爲治治長安見趙廣漢傳景帝
紀注及百官表又韓延壽傳延壽爲左馮翊出行縣至高
陵尤明證也胡三省注通鑑不知此例如云班志襄平縣
遼東郡治所猶可而云漢中郡治西域縣豈可乎又云漢
五原郡治稠陽不知稠陽都尉治太守不與都尉同治也
廿二史攷異漢志謂文景各六武帝二十六與晉書地志
不合攷漢志梁國卽秦碭郡非高帝所增信都國亦無高

帝置之文河上渭南中地三郡雖高帝置然未幾而廢三
輔之分實自武帝始廣平非文帝置當在武帝初王溫舒
爲廣平都尉其證也文帝建國九其一乃濟北武帝時并
入泰山郡膠西國宣帝改曰高密景帝建國九濟川濟東
山陽濟陰江都中山廣川清河常山置郡一北海中山清
河常山皆高帝置濟川後廢故漢志云景帝增六也晉志
失舉江都廣川又誤以濟東爲濟北不知濟北乃文帝所
置也廣川卽信都信都國立於元哀之世而晉志謂高帝
時有之亦誤廣陵卽景帝所置江都國非武帝所置武帝
建國三平干卽廣平眞定泗水晉志皆失舉按漢志載郡國
一百三正元始二年以前之制晉志云百一十有一誤也

珠崖儋耳沈黎汶山四郡後廢南海鬱林日南卽秦之南海三郡而閩中郡則漢未嘗置王伯厚謂除此八郡正合漢志一百三之數愚謂分內史爲三輔視秦僅增二梁國卽秦碭郡不當重出而武帝所置眞定泗水晉志猶遺之秦泗水郡漢改爲沛郡漢之泗水國則分東海置非一地也 王鳴盛曰周勃定楚地泗水東海郡得二十二縣泗水郡卽沛郡也今地志沛東海二郡共七十五縣蓋元始時漢新置之縣比秦多再倍有餘又云降太原六城今地志太原二十一縣亦比秦多再倍有餘高紀六年以太原三十一縣爲韓國從韓王信都晉陽其時在勃降太原後而其數與勃傳及地志皆不同 又云定雁門郡十七縣雲中郡十二縣今地志雁門十四雲中十一比舊反少

又云定代郡九縣今地志代郡十八比舊多其半又云定
上谷十二縣右北平十六遼東二十九漁陽二十二今地
志上谷十五多舊三縣惟右北平數相符而遼東十八漁
陽十二少于舊幾半高紀趙相周昌奏常山二十五城今
地志常山屬縣僅十八比舊少七靳歙傳降邯鄲郡六縣
今地志趙國卽秦邯鄲郡屬縣僅四比舊少二其詳不可
考矣

後漢光武中興以郡國蕭條官多役繁乃并省其十廣平眞
定河間城陽泗水淄川高密膠東六安廣陽建武六年詔并
合郡縣凡省四百餘縣十三年省州牧復置十三州部刺史
司隸治河南豫治譙兗治昌邑徐置郟青治臨淄涼治隴并

治晉陽冀治鄆幽治薊揚治厯陽益治雒荆治漢壽交治廣

信明帝置永昌郡改信都曰樂成臨淮曰下邳國章帝置任

城阜陵國

晉志以爲吳郡者誤

和帝復廣陽又增置濟北國安帝置蜀

廣漢犍爲張掖居延遼東屬國順帝又改淮陽曰陳楚曰彭

城濟東曰東平千乘曰樂安天水曰漢陽樂成曰安平桓帝

置高陽高興博陵靈帝置南安郡陽廬陵又改高興曰高涼

獻帝置永甯改居延屬國爲西海

據劉昭續漢志注興平二年孫策分豫章立廬陵郡

建安十五年孫權分豫章立郡陽郡二十五年分合浦立高

梁郡皆在獻帝世而高陽國則晉泰始元年置晉志以爲桓

靈增置者誤也後漢書西南夷傳靈帝時以蜀郡屬國爲漢

嘉郡又分蜀郡北部爲汶山郡劉昭以爲安帝延光三年置

凡郡國百五縣道侯國千一百八十鄉三千六百八十二亭

萬二千四百二十

郡國比前志增二縣邑道侯

國比前志少三百九十七

東樂浪郡西

敦煌郡南日南郡北雁門郡西南永昌郡四履之盛亦如前
漢建安十八年復禹貢九州省幽并州以其郡國并於冀州
省司隸校尉及涼州以其郡國并爲雍州省交州并荊州益
州於是有充豫青徐荆揚冀益雍後漢書劉焉傳靈帝政化衰缺四方兵寇焉以刺史
威輕建議改爲牧伯請選重臣以居其任從之州任之重自此而始

錢大昕曰前漢郡國百有三自光武至順帝并省者八眞
定城陽泗水淄川高密膠東六安廣平省而復置者二河
間廣陽分置者四永昌任城濟北吳郡改舊名六因舊八
十九又屬國別領比郡者六廣漢屬國後爲陰平郡蜀郡
屬國後爲漢嘉郡犍爲屬國後爲朱提郡居延屬國後爲
西海郡遼東屬國後爲昌黎郡張掖屬國後不見故續志

云郡國百五晉書地志作百有八者誤 王鳴盛曰九江
郡歷陽侯國續志云刺史治而于壽春縣又引漢官云刺
史治去雒陽千二百里二說不同何氏焯謂志據中興以
後漢官據末年攷志據永和五年而交州注引王範交廣
春秋云交州治羸陵縣元封五年移廣信縣建安十五年
治番禺縣元封乃武帝號據此則漢官亦不專據末年太
守所治注去雒陽里數而刺史反無故劉昭采漢官補之
然竟之昌邑徐之郟縣青之臨菑揚之歷陽益之雒縣并
之晉陽皆不注去雒陽里數以其刺史太守同治一縣故
省文耳

三國疆域

魏武定霸三方鼎立生靈版蕩關洛荒蕪所置者十二郡新

興省雲中定襄五原朔方樂平析上黨地西平析金城地新平析安定右扶風地略陽析

陽地陰平即廣漢屬國帶方析樂浪地樂陵析平原地章武析河間地南

鄉析南陽地襄陽析南郡地○考新平郡獻帝初平元年置其時

又獻帝初平四年分漢陽置永陽郡興平二年文帝置七朝

置西海郡建安三年置城陽郡晉志皆失之歌本河陽平郡地弋陽析江夏地魏興新城皆析漢義陽析南

安豐故廬江地○考魏志稱文帝分魏郡東部為陽平郡西

在太祖時則建安之末已有弋陽郡而劉靖明帝置上庸按

黃初中為廬江太守則亦嘗置廬江郡矣

置西城房陵上庸三郡魏文并為新城郡降將孟達少帝置

為太守明帝誅達復分其地為上庸錫郡錫郡旋廢

平陽析河東凡有州十二司隸荆河兗青徐涼秦冀幽并揚雍

六典通考卷百六十七

通典作
六十八
齊王嘉平中郡國縣道多所置省俄或還復不可勝
紀晉志魏置者尚有廣平
城陽汝陰昌黎四郡

王鳴盛曰東漢不置雍州魏置雍當在建安中操統事後
魏志張既傳太祖時不置涼州自三輔距西域皆屬雍州
文帝卽王位初置涼州杜恕傳太和中恕以爲古刺史奉
宣六條以清靜爲名可勿令領兵以專民事乃上疏曰今
魏有十州荆揚青徐幽并雍涼緣邊諸州皆有兵所恃內
充府庫外制四夷者惟兗豫司冀漢人但名司隸魏人往
往稱司六朝司州之名始此杜恕疏云天下猶人體腹心
充實四支雖病無患今兗豫司冀天下之腹心也又荀彧
傳建安九年太祖拔鄴領冀州牧或說太祖宜復古置九

州則冀州所制者廣大或以爲不可遂止其後建安十八年詔并十四州復爲九州梁習傳并土新附習領并州刺史建安十八年州并屬冀州文帝踐阼始復置并州彼時又嘗并涼于雍張旣傳所言是也餘所并三州則無考通典雖言魏十有二州而荆揚正吳地魏不得有特緣邊有鎮戍聊立此名耳杜恕言有十州蔣濟言十二州二者不同大約一數荆揚一不數荆揚耳蓋魏得漢之司隸豫冀兗青并六全州徐州但得其西境涼州但得其東西及北境幽州但得其西南境其東北境則公孫氏據之至景初二年始爲司馬懿所滅

蜀先主全制巴蜀置益

治成梁

治漢中二州又置九郡巴東巴

西梓潼析廣漢地江陽汶山漢嘉朱提宕渠涪陵巴東巴西皆析巴郡置江陽本

犍為枝江都尉此三郡皆置于劉璋時汶山郡漢武所立後廢靈帝復立漢嘉即蜀郡屬國亦靈帝所立非始于先主也

朱提即犍為屬國亦稱犍為南部涪陵初稱巴東屬國與宕渠皆析巴郡地後主建興三年分建

寧永昌置雲南郡分建寧牂牁置興古郡得漢郡十有一巴

蜀漢中廣漢犍為牂牁越嶲益州永昌及蜀郡犍為二屬國

共有二十二郡蜀後主傳注引王隱蜀記但有戶口數無郡國縣道數

廿二史攷異建寧漢之益州郡也晉地志云劉禪改廣

漢屬國為陰平郡此以陰平為魏武所置故不數又華

陽國志稱劉氏延熙中分置東廣漢及南廣郡晉志皆

不及

吳主北據江南盡海有交治龍廣孫權置荆治南郢治江揚治夏

九德析九真地吳興析吳丹陽地東陽析會稽地桂林析鬱林地滎陽宜都本劉

南郡置張飛孟達樊友相繼為太守建安二十四年入吳在孫權時非皓所置也滎陽非吳地或以為營陽之譌良然然

志云穆帝分零陵立營陽郡宋志亦云江左分零陵立則亦非漢所置矣得漢郡者十有八共有

郡四十三縣三百一十三晉陽秋曰郡四十三太平御覽引作三十三考晉書武帝紀作四十

三御覽誤

錢大昕曰續漢志所載郡國百有五蜀得其十一吳得其

十八其餘七十有六魏武省其七則魏所得漢郡當為六

十九矣漢司隸部之河南河內河東恆農京兆馮翊扶風

豫州之潁川汝南梁國沛國陳國魯國冀州之魏郡鉅鹿

常山中山安平河間清河趙國勃海兗州之陳留東郡東

平任城泰山濟北山陽濟陰徐州之東海琅邪彭城下邳

廣陵青州之濟南平原樂安北海東萊齊國荊州之南陽
揚州之九江并州之上黨太原西河雁門涼州之隴西漢
陽卽天水武都金城安定北地武威張掖酒泉敦煌張掖
居延二屬國幽州之涿郡廣陽代郡上谷右北平遼西遼
東元菟樂浪昌黎卽遼東屬國皆魏所有不止五十四也
吳得漢郡者十有八謂南郡江夏零陵桂陽武陵長沙丹
陽會稽吳豫章南海蒼梧鬱林合浦交趾九真日南實十
七郡而云十八未詳

六典通考卷一百六十八

湖西閭鎮珩輯

職方考

晉十九州

晉武帝太康元年既平孫吳分爲十九州部置司州治洛陽
兗治廩邱荆河治項冀治房子并治晉陽青治臨淄徐治彭
城荆初治襄陽後治江陵揚初治壽春後治建業涼治武威
分三輔爲雍治京兆分隴山之西爲秦治上邽益治成都分
巴漢之地爲梁治南鄭分雲南爲寧治雲南幽治涿分遼東
爲平治昌黎交治龍編分合浦之北爲廣治番禺又增置郡
國二十有三滎陽析河南地卽漢末滎陽都尉上洛析京兆地頓邱析東郡地臨淮

一其通志卷一百一

析下東莞析郡襄城析地汝陰析地長廣析地廣甯析地昌

黎即遼東新野隨義陽陰平毗陵宣城陽地南

康即廬陵晉安析地寧浦即合浦始平析地略陽即廣魏

樂平南平晉因吳南郡改名義陽樂平皆魏置陰平亦魏武置

立高陽國分勃凡郡國一百七十三仍吳所置二十五仍蜀

所置十一仍魏所置二十一仍漢舊九十三縣千一百有九

以爲冠帶之國盡秦漢之土及永嘉南渡境宇殊狹九州之

地僅有其二義熙以後又復青兗司荆河梁益之地而政移

於宋矣

錢大昕曰後漢郡國一百五并省者八陳漁陽上郡五原

雲中定襄朔方張掖屬國改舊名者十二濮陽即東郡高平

陽即山淮南即江天水即漢范陽即燕建寧即益州

陰平即廣漢屬漢嘉即蜀郡屬朱提即犍為屬西海即居延屬

未改國漢昌黎即遼東屬漢末增置者六博陵新平西平西郡

南安汶山魏置者十五平陽廣平陽平譙弋陽安豐樂陵

帶方本公孫度置新興襄陽新城魏興上庸廣魏南鄉蜀置七

巴東巴西江陽皆劉璋置梓潼涪陵雲南與古吳置二十六廬

陵郡陽宜都本劉備置天門建平衡陽湘東邵陵武昌安成吳

興東陽新都臨海建安臨川新昌武平九德臨賀始安始

興桂林高涼高興寧浦新置二十二晉志作二十三又改

廣魏曰略陽南鄉曰順陽吳新都曰新安仍漢舊名者八

十五郡耳又其司州統郡國十二兗州八豫州十冀州十

一三幽州七平州五并州六雍州七涼州八秦州六梁州八
一益州八寧州四青州六徐州七荊州二十二揚州十八交
州七廣州十合計止一百七十二蓋青州脫北海一郡

十六國疆域

前趙劉淵有雍幽冀青劉聰有司隸雍豫荆

永嘉之後司州淪沒劉聰以

洛陽爲荊州案晉地志司州統郡十二關以平陽爲雍州聰復以洛陽爲荊州聰又分置左右司隸部則左司隸蓋部司

荊平陽諸郡右司隸蓋部荊州河南諸郡

殷衛東梁西河陽北兗并幽冀劉曜有

雍秦涼朔幽益并諸州

案前趙僅二十七年方州所統凡經未隸屬若以曜時爲斷又無平陽以東今據晉書地理志前趙錄等於淵聰曜三主下各列所置之州

永嘉二

年劉淵寇平陽太守宋抽奔京師淵遂僭帝號於平陽曜平陽大尹周置降於石勒河瑞元年太史令鮮于修之言於淵

曰蒲子崎嶇非可久安平陽唐堯音都願陛下上應乾象下

協坤祥於是遷都平陽後趙有司洛豫兗冀青徐幽營并

朔雍秦荆揚十五州晉書石虎克十有三州今共得十有五

州朔州係石勒置營州係石虎置不在十三前趙嘉平二年張賓說石勒云邯鄲襄國趙之舊都依

山憑險形勢之固可擇此二邑而都勒於是進據襄國先是

勒爲郭敬客時襄國有謠曰古在左月在右讓去言或入口

古在左月在右胡字也讓去言爲襄也或入口爲國也至是

勒始都之後趙石祗鎮襄國晉永和六年祗聞石覽死僭號

於襄國冉閔來攻圍之七年石祗大敗冉閔於襄國四月劉

顯殺石祗僭帝號於襄國八年冉閔追劉顯至襄國顯將曹

伏駒開門納閔閔殺顯及公卿已下百餘人焚襄國宮室遷

其民於鄴 前燕有平幽中洛豫兗青冀并荆徐十一州附

州二初咸寧二年置平州以慕容廆為刺史永嘉之亂廆為

眾所推及其孫雋移都於薊大興四年拜廆平州牧晉書元帝拜廆

平州刺史尋進平州牧咸和九年拜雋平州刺史已又遣謁者陳沈拜

雋幽冀并平四州牧雋光壽元年慕容垂為平州刺史鎮遼

東 前秦有司隸雍秦南秦洛豫東豫并冀幽平涼河梁益

寧兗南兗青荆徐揚二十一州苻健初僭號於雍州置司隸

校尉苻堅時分司隸為雍州建元六年省雍州入司隸通鑑秦置

雍州於安定分京兆為咸陽郡 後秦亦稱東秦胡三省云時乞伏氏建國隴西

號秦故史書姓秦為東秦以別之有司隸部雍秦南秦涼河并冀荆豫徐兗

梁南梁十三州白爵二年盧水郝奴稱帝於長安渭北盡應

之建初元年苻儁卽皇帝位於長安國號大秦改長安爲常
安八月以太子興鎮長安六年大敗苻登於長安七年苻寢
疾遣鎮東姚碩德守長安皇初元年興徙陰密三萬戶於長
安後蜀有益梁荆寧漢安六州永寧二年李特攻陷益州
尹州刺史宋岱擊特斬之夏四月特子雄復據益州初特僭
號於蜀稱漢益州郡縣皆沒於特特又分漢嘉蜀二郡立沈
黎漢原二郡前涼有涼河沙定商秦六州永寧中張軌爲
涼州刺史鎮武威是時中原淪沒元帝徙居江左軌乃控據
河西稱晉正朔是爲前涼駿分武威武興西平張掖酒泉建
康西郡湟河晉興須武合十一郡實止十郡爲梁州其子天錫又
分置廣源郡凡統舊郡五增置郡六縣四十二晉咸康五年

張駿以太子重華行涼州事太和二年苻堅將王猛寇涼州天錫拒之猛師敗績太元二年苻堅將苟萇陷涼州虜天錫盡有其地 西涼涼州庚子元年晉昌太守唐瑤移檄六郡

推李暠爲大將軍涼公秦涼二州牧

暠雖在秦涼二州牧實止一涼州

凡統

舊郡五前涼郡三後涼郡二增置郡八縣可攷者四十三

北涼有涼秦沙三州晉隆安五年沮渠蒙遜殺段業自號大

都督北涼州牧魏遣使拜遜太傅涼州牧涼王加九錫至子

茂虔爲魏所并凡統舊郡四前涼增置郡九後涼增置郡一

新置郡二共郡十六縣可攷者四十 後涼涼州建元二十

一年張天錫降于秦呂光入姑臧自領涼州刺史護羌校尉

太安元年羣僚上光爲侍中中外都督隴右諸軍事大將軍

涼州牧酒泉公神鼎二年秦遣鴻臚恆敦拜呂隆征北大將軍都督河西諸軍涼州牧建康公凡統舊郡六增置郡二十一又新置郡四新政郡一護軍三南涼涼州宏昌四年六月秦遣使署禿髮傉檀都督河右諸軍事涼州刺史鎮姑臧禿髮之先曰匹孤率其部自塞北遷於河西其地東至麥田牽屯西至隰羅南至澆河北至大漠匹孤曾孫樹機能盡有涼州之地晉太元二十二年烏孤自稱大將軍大單于西平王以弟利鹿孤爲涼州牧鎮西平隆安二年利鹿孤卽僞位徙都西平以弟傉檀爲涼州牧五年傉檀徙都姑臧後爲乞伏熾磐所并自武威西平樂都三郡曾經建都餘畧同後涼凡統舊郡十三增置郡一護軍一縣可攷者五十後燕西燕

附 有冀雍平營克青徐豫并雍十州晉太元九年慕容垂自
稱大將軍大都督燕王明年定都中山僭位號改元建興移
冀州牧于信都燕永康元年慕容寶遣使持節受司空范陽
王德丞相冀州牧承制南夏封公侯牧守寶將慕容詳守中
山遂僭尊號慕容麟率眾殺詳復僭尊號魏師入中山麟敗
走凡統舊郡十九新置郡四 南燕有青并幽徐兗五州晉
隆安四年慕容德入廣固殺幽州刺史辟閭渾遂定都僭帝
位是爲南燕改幽州爲青州及慕容超移青州于東萊郡後
爲劉裕所滅 北燕有平幽冀并青五州太元十二年馮跋
僭稱天王於昌黎改元太平國號燕以馮素弗傳初爲京尹
鎮營邱弟宏爲魏所并凡有郡十一 西秦有秦東秦河北

河沙涼梁南梁商益定十一州晉太元十年乞伏國仁自稱

大都督將軍大單于領秦河二州牧置武城等十二郡實止十一

郡改元建義符登拜國仁大將軍苑川王弟乾歸復僭偽位

自號秦王乾歸卒子熾磐襲位自稱河南王改元永康至暮

末爲夏主所殺凡統前涼郡一新置郡十一夏國有幽雍

朔秦北秦并梁豫荆九州晉義熙二年赫連勃勃僭號大夏

天王大單于改元龍昇置幽州牧改築都城號曰統萬以其

丞相右地代領幽州牧以鎮之水經注赫連龍昇七年改築大城名曰統萬城按此統萬

城即大城勃勒既以幽州牧鎮大城則改築統萬後亦屬幽州後破長安僭帝號子定爲魏

所滅凡統都城一餘城十

洪亮吉曰十六國竊據久者不過數十年少止十數年劉

一曜續開之州郡既迥異于淵聰石虎晚定之山河又大逾于襄國姚萇以馬牧起事故崇鎮堡之勢以敵方州赫連以統萬建基故芟郡縣之名盡歸城主後先錯出彼此互殊考晉宋諸紀傳又多與載紀不合晉列女傳王廣仕劉聰爲西揚州刺史而前趙錄不載有此州桑虞傳石虎青州刺史劉徵請虞爲長史帶祝阿郡而後趙錄不載此郡又或名號則彼此分建方隅則叛服不常長子屬建興之郡名乃肇於西燕赫連築骨律之城土早歸于後魏豫州則石趙東晉共治一城壽春則江左苻秦各分要地且如石氏建揚州之號僅得一城前燕標荆土之名惟餘數縣夏宋誓書指恆山爲界既涉張皇慕容郡冊援唐國爲稱

亦慚假借甚有指南爲北革舊標新赫連也以陝地爲荊
州乞伏也以湟川爲益土琅邪之國強號幽燕朔代之區
勿標齊服近而易混驟每不詳又王彌曹山疑段匹磾慕
容永翟遼段業等皆建有國都跨連郡縣雖不別爲作志
亦例得附書若非舉要而削繁又慮喧賓而奪主又兗豫
青徐之境空地常多既不隸於諸方又不歸于江左徒有
郡縣空名因戰爭而附見列爲實土無戶口之可稽目以
僑邦將位置之失當卽云魏收鄴元李吉甫樂史諸人所
述可以取材矣而靈昌立渡各異其方梁馬名臺互殊其
號魏該一合之塢與晉傳而先殊石家太武之堂在襄國
而疑誤他若田融段龜龍等書並錄入之以存故事

七代地形

宋武北平廣固

晉義熙六年平慕容超得青州之地

西定梁益

九年朱齡石平譙縱

又克

長安盡得河南之地長安尋為赫連勃勃所陷至廢帝柴陽

王景平中武牢以西復陷於後魏今以孝武大明為正凡二

十有二州揚治建業南徐治京口徐治彭城南兗治廣陵兗

治瑕南荆河治歷陽荆河治汝南江治潯陽青治臨淄

初治歷城

後治廣固又移治臨淄

翼治歷城司治義陽荆治南郡郢治江夏湘治

臨湘

今長沙府

雍治襄陽梁治南鄭秦亦治南鄭益治成都監治

建寧廣治南海交治龍編越治臨鄣

自東晉成帝時中原流民多南渡遂於江漢淮

之間僑立州郡以撫其民中間并省廢置離合非一不能詳誌焉今紀其所治經久者

郡凡二百三十

有八縣千一百七十有九初文帝元嘉中得魏碣磬滑臺武

牢洛陽四城未久復失至元嘉二十七年王元謨於滑臺敗歸時柳元景拔弘農閭方及元謨敗亦棄而退明帝太始二年徐州刺史薛安都引魏軍自是沈文秀東陽城崔道固厯城並爲魏將慕容白曜所陷安都以彭城常珍奇以懸瓠並降魏于是長淮爲北境倚徐兗於淮南立青冀二州寄治贛榆後十餘年而宋亡

沈約曰地理參差事難該辨魏晉以來遷徙百計一郡分爲四五一縣割成兩三或昨屬荆豫今隸司兗朝爲零桂之士夕爲廬九之民去來紛擾無暫止息版籍爲之渾淆職方所不能記自戎狄內侮有晉東遷中土遺氓播越江外幽并冀雍兗豫青徐之境幽淪寇逆自扶莫而裹足奉

首免身於荆越者百郡干城流寓比室人佇鴻雁之歌士
畜懷本之念莫不各樹邦邑思復舊井旣而民單戶約不
可獨建故魏邦而有韓邑齊縣而有趙民且省置交加日
回月徙寄寓遷流訖無定託邦名邑號難或詳書大宋受
命重啟邊隙淮北五州翦爲寇境其或奔亡播遷復立郡
縣斯則元嘉泰始同名異實 王鳴盛曰東漢揚州之境
東至海南盡閩越控制數千里壽春地在西北鞭長莫及
故永和以後徙治歷陽在壽春東南八九百里且直臨江
岸烏江亭下一輦可杭於制馭江南爲便矣漢季大亂孫
氏有進逼中原之勢魏人相度地利移制合肥反退至歷
陽西北三四百里考劉馥滿寵傳魏時揚州始終治合肥

沈約以爲壽春非也吳人據有揚荆揚治故在江南然立國江南者必跨江而有淮南方足自立故晉宋以後漠之揚州治變爲豫州治矣

齊初淮北地多淪于魏青州治胸山冀治渦口荆河治壽春荆河州自東晉以後或治淮南或治淮北不恆其所今舉其要害之地北兗治淮陰北徐治鍾

離又置巴東治巴餘州郡悉因宋舊凡有州二十三郡三百

九十五縣千四百七十有四其後頻爲後魏所侵至東昏永

元初沔北諸郡相繼敗沒又遣軍北伐敗於馬圈退屯益城

魏馬圈城去襄陽三百里時陳顯達攻圍四十餘日不拔魏援師至敗還永元二年荆河州刺史

裴叔業以城叛入魏遂失壽春後三年齊亡齊七主二十四年內難繁興不遑外畧及東昏暴虐北境彌蹙

梁武帝除暴寧亂奄有舊吳天監十年有州二十三郡三百五十縣千二十二其後務恢境宇頻事經略大同年中州一百七郡縣亦稱是自侯景逆亂建康傾陷墳籍散逸不可得而詳焉初天監三年梁州刺史夏侯道遷以本部叛降後魏自劍閣以北並陷沒魏將元英又破將軍馬仙埤於義陽遂失淮西之地四年以後張惠紹尅魏宿遷城韋叡尅合肥裴邃尅翟邱城朐山城尋皆敗沒惟合肥獨存六年魏軍主白早生荆河州刺史胡遜以懸瓠來歸至普通六年徐州刺史元法興以彭城內屬未幾悉復於魏七年夏侯亶元植等尅壽春獲魏揚州刺史李憲自齊東昏永定二年陷後魏至是始復中大通初魏有爾朱榮之亂遣將陳慶之大舉北伐淮

北城鎮相次尅平既至河陽爾朱榮來攻慶之渡河守北中
府數日敗退所得地亦失之其後蘭欽又尅復漢中太清初
侯景以十三州來降旋爲東魏將慕容紹宗所敗二年景舉
兵反建康陷沒及元帝平定景亂而齊將辛術南伐取淮南
江北之地得傳國璽反於齊承聖三年西魏將達奚武陷漢
川尉遲迴陷蜀川於是州郡大半入魏自巴陵以下至建康
以長江爲限荊州界北盡武寧西拒峽口嶺南復爲蕭勃所
據詔令所行千里而近

北盡武寧與岳陽王詒分界
西拒峽口與武陵王紀分界

王鳴盛曰江左立國東倚淮南數郡爲屏蔽中資荊襄樊
鄧爲藩籬而西則巴蜀阻險其右臂也吳楚溯流直達由
漢中窺關陝晉滅蜀吳不能救失犄角之勢晉之取吳易

矣自晉惠帝時李特據蜀後爲桓溫所滅義熙中譙縱又據之九年爲朱齡石所滅自此歷宋齊梁蜀爲江左有矣梁天監元年前益州刺史劉季連據成都反二年益州刺史鄧元起克成都四年魏王足攻涪城邢巒規定巴西已而自卻蜀仍梁有至侯景大亂武陵王紀尙據有全蜀前後在蜀十七年南開益州越雋西通資陵吐谷渾士馬殷富若梁子弟多賢有此藩翰國豈易亡乃侯景之難紀不赴援侯景已平反東下欲圖尊位骨肉相殘卒爲元帝所誅西魏乘其虛遂取蜀矣

陳氏土宇彌蹙西亡蜀漢北喪淮肥威力所加不出荆揚之城州有四十二郡惟一百九縣四百三十八文帝天嘉初湘

川之地爲周軍所陷二年侯瑱尅平之宣帝大建五年北伐諸將累捷吳明徹克壽春斬齊將王琳盡復淮南之地遂經畧淮北大破齊軍於呂梁及旋師而齊亡九年又總軍北伐至呂梁周軍來拒破周將梁士彥悉得梁淮北城士彥固守彭城明徹攻未下周將王軌來伐明徹退師全軍沒於清口自是江北之地盡沒於周又以長江爲界十二年周大將司馬消難以淮西地來降又遣將周羅暉攻克新野尋並失之周書杜杲傳陳文帝時杲奉使往陳分界陳人以魯山歸周魯山今湖北漢口鎮江岸山俗以爲大別者時江北地已盡入周魯山豈能獨守隋書文帝本紀開皇九年陳平合州三十郡一百縣三十當作四十地理志言

陳初有州四十二郡一百九杜氏通典同及亡又少二州九郡故止四十州一百郡

後魏起自北荒始遷盛樂後徙馬邑兼有代常山二郡地稱代至什翼犍改都雲中道武下山東拔慕容寶中山遂有河北之地於是遷都平城天興中遣將南畧地長孫肥等克滑臺許昌又得彭城明元帝泰常中始於滑臺許昌置兵鎮守太武帝始光中遣軍伐赫連昌得蒲坂長安又克統萬遂滅夏神䴥三年宋將劉彥之等伐碯碯滑臺武牢戍將皆不守尋並復之太延以後東平遼東西平姑臧於是西至流沙東接高麗所未得者漢中及南陽懸瓠彭城青州之南而已眞君十一年宋王元謨來侵碯碯至滑臺敗退帝乘勝南征遂

臨瓜步宋淮北城鎮守將多有敗沒獻文天安初河南淮北

皆爲魏有

時因宋晉安王子勛之亂遣將慕容白曜略地破宋將沈文秀畢眾欽薛安都崔道固常珍奇遂有

其孝文遷都洛陽

太和十九年徙都

頻歲親征皆渡淮沔

二十年屯八公山二

野及樊城

景帝初齊將裴叔業以壽春降後至明帝孝昌

二年又陷入梁正始初梁將夏侯道遷以漢中降又元英破

梁將馬仙婢於義陽遂有淮西之地莊帝時梁將陳慶之至

洛陽數旬敗走爾後內難相繼不暇外略國遂分爲東西武

定中凡州百十有一郡五百十有九縣千三百五十有二

魏收曰正光已前時推全盛戶口之數比夫晉之太康倍

而已矣孝昌之際亂離尤甚恒代而北盡爲丘墟嶠潼已

西煙火斷絕齊方全趙死如亂麻生民耗滅且將大半永

六典通考 卷百六十八
安末年逆賊入洛文簿散棄編戶無徵今錄武定之世以
爲志焉魏自明莊寇難紛糾攻伐旣廣啟土逾眾王公錫
社一地累封不可備舉故總以爲郡其淪陷諸州戶據永
熙綰籍無者不錄

高齊起自晉州東有殷冀遂滅爾朱劫魏遷鄴于是河北自
晉州之東河南自洛陽之東皆爲齊境又因梁侯景之亂遣
將略地南際于江有州九十七郡百有六十縣三百六十有
五後主武平中陳軍遣吳明徹連歲來侵盡失淮南之地周
師攻拔河陰大城

周武親征
有疾班師

幼主崇化末西師攻拔晉州鄴

都遂亡

周書武帝本紀六年關東平合州五十五郡一百六十

二縣三百八十五隋書地理志序後齊國滅州九十有
七郡一百六十縣三百六十五其數各不同杜佑通典
准隋志今從之

宇文周起自高平據有關隴魏主西奔漸移其社大統十六
年梁雍州刺史岳陽王詵舉州內附廢帝初尅平漢中又遣
尉遲迥平蜀文帝西征至姑臧其將于謹又平江陵殺梁元
帝自是疆理西有姑臧西南有全蜀南至于江明帝武成二
年將賀若敦
尅陳湘川之
地三年失之其河南自洛陽之東之北河東自平陽之界屬
於高齊至武帝建德五年東征攻拔齊晉州城使梁士彥守
之齊後主來攻不克尋又破齊後主軍於晉州城下乘勝平
齊後遣將王軌破陳軍於呂梁其東南之境盡於長沙通計

州二百十有一郡五百八縣千二十有四

蘇轍曰晉以下天下紛紛强者不能以相并弱者不能以相服其德不足以相君臣而其兵不足以相吞滅天下大亂離而爲南北北又自離而爲東西其君臣又自相篡取而爲七代至於隋而後合爲一蓋其間百有餘年南不能渡河以有北之民而北不能過江以侵南之地豈其時南無間之足乘而北無隙之可入哉亦其勢之有所不可也七代之際宋取之晉齊取之宋梁取之齊陳取之梁而周齊取之後魏此五霸者兵交而不解內亂而無救而其四鄰拱手遠望而不敢以乘其倉卒也嗟夫七代之際天下將合之際也姚興死而秦地大亂武帝舉江南之兵長驅

以攻秦兵不勞而關中定此天下之一時也及劉穆之死
關中未安席不及煖兵不及息而奔走以防江南之亂留
孺子孱將以抗四方强悍之虜則夫天下之勢亦隨去之
而已昔者曹操不能過江以攻孫權力有所未足也而孫
權終莫肯求逞於中國蓋其志將以僥倖乎北方大亂然
後奮而乘其弊而非以爲其地之足以抗衡於中原也使
武帝入關因而居之以鎮撫其人民南漕江淮之資西引
巴漢之粟而內因關兵之盛厲兵秣馬以問四方之罪戾
當此之時天下可以指麾而定何江南之足以芥蒂夫吾
心哉

隋改州郡

隋書楊尙希傳出爲河南行臺見天下州郡
過多上表言今郡縣倍多於古或地無百里

數縣並置或戶不滿千二郡分領官多民少十羊九牧
請存要去開并小爲大文帝嘉之遂罷天下諸郡考西
漢盛時州不過十三部更宋歷齊州尙止二十有二至
後魏割據中原新增州名凡五十有奇後周并齊有州
二百一十有一時陳尙未滅州亦四十有二及隋平江
南州郡又倍于前矣考漢晉時每州管郡甚廣至魏書
地形志所載則州所管郡有少至二三者有不領郡者
梁陳齊周地理無攷而州郡總數見隋地志大約承歷
代分析之後州郡什倍於漢晉之數故隋
文帝懲其煩弊不得不因時而更制焉

隋文帝開皇初以官煩民弊廢五百餘郡以州治民及九年

廓定江表復以戶口滋多析置州縣煬帝大業初移都洛陽

又平林邑更置三州既而並省諸州三年改州爲郡乃置司

隸刺史分部巡察本史不分別所領諸郡五年平定吐谷渾更置四郡

大凡郡百九十縣千二百五十五東西九千三百里南北萬

四千八百一十五里東南皆至於海西至且末隋氏西境唯得今燉煌郡

以東北至五原

即九原郡故城在北境唯至于河

漢之盛極於此矣杜佑曰

自三代以前爲九州兩漢加置十三州晉宋之後分析漸多至於魏齊後周雖割據鼎立天下分裂其於州郡乃倍兩漢之地隋氏以官煩人弊遂廢五百餘郡而以州治人名則因循職事同於郡守無復刺舉之任

日知錄漢時止十三州至梁時南方一偏之地遂置一百七州隋文帝開皇三年罷郡以州統縣自是刺史之名存而職廢後雖有刺史皆太守之互名有時改郡爲州則謂之刺史有時改州爲郡則謂之太守非舊刺史之職理一郡而已由此言之漢之刺史猶今之巡按御史魏晉以下之刺史猶今之總督隋以後之刺史猶今之知府及直隸

知州也

唐十道

此唐初制開元中改十五道今據唐六典

唐職方郎中員外郎掌領天下州縣戶口之事凡天下十道

一曰關內道古雍州之境京兆華同岐邠隴涇寧坊鄜丹延

慶監原會靈夏豐勝綬銀凡二十有二州焉其原慶靈夏延又管諸蕃部降

者爲羈東拒河西抵隴坂南據終南之山北邊沙漠河歷銀綬延丹

同華六州之界隴坂在隴州之西終南其名山有太白九峻

山在京兆之南沙漠在豐勝二州之北吳山岐山梁山華山之嶽在焉太白在京兆武功縣九峻在奉天縣吳山在隴州岐山在

岐州梁山在同州韓其大川有涇渭潏潏涇水出涇州至京兆入渭渭水出渭

州歷秦隴岐京兆同華六州厥賦絹綿布麻京兆同華岐四州調綿絹餘州

入于河渭潏並出京兆入渭厥貢岱楮鹽山角弓龍鬚席筵荅野皮麝香京兆鞑草席

秦人華州扶苓扶神細辛同州敷文吉莫皮岐隴涇靈劇坊
丹等州龍鬚席原夏等州白鹽夏州角弓鹽州鹽山會州鹽
楊靈州鹿角膠岱緒花菴蓉丹羽靈州野馬皮勝靈等州
州女稽布邠州火筋翦刀草豆藻豆丹延慶等州麝香遠夷
則控北蕃突厥之朝貢焉二曰河南道古豫兗青徐四州之
境河南府陝汝鄭汴蔡許鄆鄭陳毫宋曹滑濮鄆濟齊淄徐
兗泗沂青萊登密海凡二十有八州焉東盡于海西距函谷
南瀕于淮北薄于河海水在青萊登密海泗六州之境函谷
之南境黃河歷虢陝河南府鄭名山則有三峭少室砥柱蒙
滑濮濟齊淄青十州之北境
山嶧山嵩岱二嶽在焉三嶽在河南永寧縣界少室在登封
費縣嶧山在兗州鄒縣中岳嵩山在河南宜
成縣東岳泰山一名岱山在兗州乾封縣
類沂泗之水淮濟之瀆伊洛河南伊陽縣北流入洛洛出南
汝州類水在類州沂泗二水出交州淮水
源在唐州桐柏縣濟水源在河南濟源縣
厥賦綿綿綿布

卷之二十一

陳許汝潁州調以絢綿唐厥貢絢純文綾絲葛水蔥蕉心席

州麻布餘州並以絹及綿

寶石之器鄭汴許陳毫宋曹濮鄆徐等州絹汝州細絨陝西

綾著草基子類川綿兗州鏡花綾齊州絲葛淄川齊州防

風青州仙文綾鄭州麻黃許州藤心蓆登州水蔥蓆陝州栝

蓼根柏子仁曹州蛇牀子濟州阿膠泗水寶布沂兗等州紫

石莢萊登密等州牛黃登州文石器海沙密州布海州楚布

萊州石器河遠夷則控海東新羅日本之貢獻焉三曰河東

道古冀州之境太原潞澤晉絳蒲虢汾慈陽石沁儀嵐忻代

朔蔚雲屬河南凡十有九州焉東距恒山西據河南抵首陽

太行北邊匈奴恒山在太原之東河水逕嵐石阻絳蒲六

其名山則有雷首介山霍山崢山雷首在蒲州介山在汾州

一名五其大川有汾晉及丹沁之水晉絳蒲五州入河晉水

出太原晉陽入汾丹水出澤州沁水出潞州布襴餘厥

出沁州歷晉絳澤三州至懷南入河

貢類扇龍鬚席墨蠟石英麝香漆人參

太原龍骨甘草石

密免絲子澤州白石英黔雞禹餘糧晉州蠟燭絳州墨人參花

川龍骨竹屑絳州現民地骨白皮汾州石膏慈州蠟石二

州胡女布晉汾二州龍鬚帶儀澤潞等州人參嵐號折等州

窮舌折州豹尾代州熟青熟絲制代二州白雞翎蔚州松子

雲州四曰河北道古幽冀二州之境懷衛相洛邢趙恒定易

幽莫瀛深冀貝魏博德滄肆媯瀘營平安東凡二十有五州

焉其幽營安東各官屬州東並于海南迫于河西距太行恒山北通渝

關薊門海在隸滄瀾平營五州之東河水經懷衛相魏博德

在平州東薊其名山南林慮白鹿封龍井陘陽石之山恒嶽

門在幽州北其名山南林慮白鹿封龍井陘陽石之山恒嶽

在焉林慮在相州西白鹿在營州北封龍在趙州西井陘其

大川有漳淇呼迤之水漳水出趙州與青水合歷魏貝德信四

州與漳水合呼迤在定厥賦絳絲及絲餘州絹綿厥貢羅

滄二州界亦與漳水合厥賦絳絲及絲餘州絹綿厥貢羅

綾平紬絲布絲紬鳳翽葦席墨恒州貢春羅孔雀等羅定州兩窠紬綾懷州子膝洛博衛

等州平紬邢州資器魏州綿紬衛趙冀等州綿羅深冀德

律等州絹相州紗鳳翽席胡粉邢州絲布恒州羅定州紬綾

幽州范陽綾貝州白毡滄州葦席柳箱媽營歸順等州麝香

檀州安東府人參平州蔓荆子薊州鹿角膠易州墨夔州墨

豹尾安東單于野馬皮遠夷則控契丹奚靺鞨室韋之貢獻焉五曰山

南道古荆梁二州之境荆襄鄧商復郢隋唐峽歸均房金夔

萬忠已上十六州梁洋集通開壁巴蓬渠涪渝合鳳興利閬

果已上凡三十有三州焉東接荆西抵隴蜀南控大江北據

商華之山江水自蜀歷渝情忠其名山有嶓冢熊耳巫峽銅

梁荆山峴山嶓冢在梁州金牛縣熊耳在商州上洛縣巫峽在夔州巫山縣峴山在夔州巫山縣銅梁在合州石鏡縣荆山在襄

州荆山縣峴山在襄州襄陽縣大川則有巴漢沮洳之水巴水在合州界入江漢水出梁州

金牛縣初名漾水壹名沔水歷洋金均襄鄧荆復七州至荆

州入于江沮水源出房州永清縣至荆州界入江清水出鄧

州南厥賦絹布綿紬梁利隨均荆襄雜綿絹合州綿紬餘州並麻布厥貢金漆密蠟

蠟蠟銅鐵芒硝麝香布交梭白縠紬紵綾葛綵綸蘭干利州貢金

銅鐵荆州交梭縠子方縠紋綾襄州漆郢隨唐路眞郢利果

等絲布襄均房商等州麝香復郢開等州白紵隨州綾唐州

絹陝州芒硝歸州紵麻布金州縠金萬州金忠州蘇薰席梁

州文紅花洋州白交梭壁巴達通忠渠等州綿紬渠通合等

州藥子通州絳香渠州買子木拜子倍州連頭獠布渝峽隨

等州葛合州牡丹皮閬州重運綾襄州白縠鳳州蠟蠟巴州

漆器白綸巾興鳳集夔等州蜜蠟六曰隴右道古雍梁二州

之境秦渭成武洮岷鹽宕河蘭鄯廓已上隴右涼甘肅瓜沙伊西

北庭安西已上河西凡二十有一州焉其秦涼鄯洮北庭安西甘岷又管羈縻州東接

秦州西逾流沙南連蜀及吐蕃北界朔漠流沙在沙州已北連延數千里其

名山有秦嶺隴坻西傾朱圉積石合黎崆峒三危鳥鼠同穴

秦嶺在秦州上邦縣隴坻在清水縣西傾在洮州之西南朱

圉在秦州伏羌縣積石在河州抱罕縣合黎在甘州張掖縣

鹿嶋在肅州福祿縣三危在沙州其大川則有洮水弱水羌

水洮水出西羌中歷岷蘭二州界入河弱水河濱及休屠之

澤在焉河水歷廓河鄯蘭等州厥賦布麻厥貢麋金礪石基

石密蠟蠟蠟毛駝麝香白氈及鳥獸之角羽毛皮革廊宕二

金宕州散麝香沙州碁子肅州礪石成州武州蠟燭洮州毛

駝涼州窟布甘肅瓜涼等州野馬皮西州白氈瓜州吉莫皮

伊州陰牙角胡桐淚鄯州特羊角野馬皮岷秦二州龍鬚席

蜂牛尾雕翎秦州芍藥肅州肉菰蓉柏豚根瓜州草鼓子北

庭州速霍角陰牙角阿魏藏根安西緋氈礪遠夷則控西域

砂陰牙角礪毯甘沙渭河蘭疊等州麝香番戎之貢獻焉七曰淮南道古揚州之境揚楚和滁濠壽廬

舒蘄黃沔安申光凡一十有四州焉東臨海西抵漢南據江北距淮海在揚楚二州漢在沔州淮水經申光壽濠楚五州

北境入海江水經沔黃蘄舒和揚六州南境入海其名山有八公瀾大別霍山羅山塗山八公山在壽陽縣大別山在霍山縣霍山

一名天柱在舒州懷寧縣羅山其大川有滁肥之水巢湖在

馬在申州塗山在濠州鍾離縣厥賦純絹綿布淮南道雜有紵黃

州施細申州綿絹厥貢交梭紵絺孔雀熟絲布青銅鏡揚州

和州紵練滁泗二州貢絺紵葛楚州貢孔雀布

鳥蛇安州紵布壽州生八曰江南道古揚州之南境

潤常蘇湖杭歙睦衢越婺台溫明括建福泉汀已上宣饒撫

虔洪吉郴袁江鄂岳潭衡永道邵澧朗辰叙錦施南溪思黔

費業巫夷播溱珍凡五十有一州焉黔中又管東臨海西抵

蜀南極嶺北帶江海水在蘇杭越台溫括泉福八州之東江

其名山有茅山蔣山天目會稽四明天台括蒼縉雲金華大

庾武夷廬山而衡岳在焉茅山在潤州延陵句容二縣界蔣

一名鍾山在江寧縣天目在於

潛縣會稽在山陰縣四明在餘姚縣天台在台州括蒼縉雲皆在括州金華在婺州大庾在虔州武夷在建安縣廬山在尋陽縣衡山其大川有浙江湘瀨沅澧之水洞庭彭蠡太湖在湘潭縣

之澤 浙水有三源一出歙州一出衢州一出婺州歷睦杭越

州界入洞庭瀨水經虔吉洪三州界入彭蠡沅水歷巫辰朗

岳四州界入洞庭瀨水經虔吉洪三州界入彭蠡沅水歷巫辰朗

湖在巴陵縣界彭蠡湖一名宮亭湖在厥賦麻紵潤州火麻

尋陽縣界太湖在蘇常湖宜四州界厥貢紗縞紵金犀角鮫魚藤朱砂水銀零陵

布厥貢紗縞紵金犀角鮫魚藤朱砂水銀零陵

香 潤州方棊水波綾常州紫綸巾鬼褐蘇州紅綸巾杭越二

蕉練福州蕉海蛤泉括二州綿饒衡巫等州麋金犀角洪撫

潭永等州葛蘇州吳石脂吳蛇牀子台州金漆乾薑甲香江

州生石斛鄂江二州銀永州石燕道州零陵香澧州龜子綾

五入章朗州紵練辰錦二州光明砂水銀溪錦二州朱砂常

湖欽宣虔吉郴袁岳道等州白紵布施宣二州黃連宣州綺

南州班布思黔費業漆珍等州蠟夷州蠟燭温台二州鮫魚皮遠夷則控五溪之蠻九曰劍南道古梁州之境益蜀彭漢

綿劍梓遂普資簡陵瑯眉雅嘉榮瀘戎黎茂龍扶文當松靜

柘翼悉維嶺姚凡三十有三州焉其黎戎瀘茂松雋姚又管

並管東連梓剌西界吐蕃南接羣蠻北通劍閣劍閣在普安

門其名山有峨眉青城鶴鳴岷山峨眉在嘉州青城在蜀州

在岷州劍南其大川有涪雒及西漢之水江瀆在焉涪水歷

道之西北界梓遂合六州界入江雒水出漢州什方縣經益簡川眉四州

界入江西漢水歷利聞果合江州界入江大江自松州甘

松嶺經翼茂彭蜀益陵眉嘉厥賦絹綿葛紵瀘州葛紵等布

布厥貢麩金羅綾綿紬交梭彌牟布絲葛麝香羚羊犛牛角

尾益蜀二州單絲羅益州高杆衫段彭州交梭簡州綿紬漢

州劍南等州絲布龍雅眉嘉資等州麩金姚茂扶靜文悉松

黎當拓翼等州麝香劍州蘇薰席普州天門冬煎榮州班布

州狐尾悉州當歸犛牛尾維州犛牛尾姚州金遠夷則控

西河羣蠻之貢獻焉十曰嶺南道古揚州之南境廣循潮漳

韶連端康岡思高春封辯龍新潘雷羅僑崖瓊振已上廣府管內桂

昭富梧賀龔象柳宜融古嚴已上桂府管內容藤義寶禺白廉繡黨

牢巖鬱林平琴已上容府管內鬱林平琴二州複名邕賓貴橫欽潯濃龍田武

環澄已上邕府管內安南驩愛陸峯湯莢福祿龐已上安南府管內凡

七十九州焉其五府又管羈縻州東南際海西極羣蠻北據五嶺其名山

有黃嶺及鬱之水靈洲焉黃嶺在廣州南海縣鬱水之中其大川在廣州寶安縣

有桂水鬱水桂水出桂州臨源縣歷昭富梧三州界入鬱水鬱水一名浪水歷藤梧封康端廣六州界入海

厥賦蕉紵落麻廣州等紵布端州蕉布厥貢金銀沈香甲香水

馬翡翠孔雀象牙犀角龜殼鼉鼉絲藤竹布融象二州貢金桂邕昭柳等五

十餘州貢銀桂州銅盤連州細布鍾乳崖欽二州高良薑廣州三席生沈香水馬甲香鼈鼉皮藤簞廣州安南並貢龜殼

循振二州五色藤盤振州班布欽牢安南及潮州蕉安南板
柳鮫魚皮翠毛愛麗等州孔雀尾驪州象牙藥犀角金箔黃
屑沉香濟湖等州鮫劍皮甲香韶州竹子布岡州甲香簾糖
香廣潮高術峯邵等州及安南峴地應春詔龍廣等州石斛
雷州絲雷富州班布石英蒙州越金古州蠟容州朱砂銀欽
州翡翠毛陸州瑋瑋皮翠毛甲香峯州豆蔻福祿邵二州
白蠟福祿麗二州其遠夷則控百越及林邑扶南之貢獻焉
紫鋪木昆州桂心

凡天下之州府三百一十有五而羈縻之州蓋八百焉京兆

河南太原爲三都潞揚益荆幽爲大都督府單于安西安北

爲大都護府安南安東北庭爲下都護府涼秦靈延代克梁

安越洪潭桂廣戎福爲中都督府夏原慶豐勝營松洮鄯西

雅瀘茂雋姚夔黔辰容邕爲下都督府同華岐蒲爲四輔新蒲

入陝懷鄭汴魏絳爲六雄州新絳汝汾晉宋許滑衛相洛

爲十望州新汾安東平營檀媯蔚朔忻安北單于代嵐雲勝

豐鹽靈會涼肅甘瓜沙伊西北庭安西河蘭鄯廓疊洮岷扶

柘維靜悉翼松當戎茂塢姚播黔驩容爲邊州四萬戶已上

爲上州陝汝虢仙澤鄆陽涇寧鄜坊戶雖不足亦爲上都三萬戶已上爲中州不滿

爲下州凡三都之縣在城內曰京縣奉先同京城城外曰畿縣又

望縣有八十五焉其餘則六千戶已上爲上縣二千戶已上

爲中縣一千戶已上爲中下縣不滿一千戶皆爲下縣初隋

季分割州府倍多高祖改郡爲州太守爲刺史其邊鎮襟帶

之地置總管府以領軍戎又改總管爲都督府太宗并省州

縣因山川形便分天下爲十道至十三年定簿凡州府三百

五十八縣一千五百五十一明年平高昌又增州二縣六其

後北殄突厥頡利西平高昌北踰陰山西抵大漠其地東極

海西至焉耆南盡林州南境北接薛延陀界東西九千五百一十一里南北一萬六千九百一十八里睿宗時置二十四都督府分統諸州景雲二年以江山濶遠奉使者艱難乃分江南山南皆爲東西道又分隴右爲河西道開元二十一年又分關內置京畿道分河南置都畿道又分江南西置黔中道而并河西於隴右爲十五東至安東西至安西南至日南北至單于府蓋南北如漢之盛東不及而西過之開元二十八年戶部帳凡郡府三百二十有八縣千五百七十三天寶盜起中國用兵而河西隴右不守陷于吐蕃至大中咸通始復隴乾符以後天下大亂至于唐亡

顧炎武曰自古郡縣之制惟唐爲得其中攷地理志屬縣

之數京兆河南二府各二十河中太原二府各十三魏州
十四廣州十三鎮州桂州各十一其他雖大無過十縣者
此其大小相維多寡相等均安之效見於前事後王可取
而鏡也但其中一二縣之郡亦有可并憲宗元和元年割
屬東川六州制曰分疆設都蓋資共理形束壤制亦在稍
均將懲亂以銷萌在立防而不素故賈生之議以楚益梁
宋氏之規制荆爲郢酌於前事宜有變通此雖一時之言
亦經邦制郡之長策也 錢大昕曰自武德至開元有州
無郡天寶元年改州爲郡乾元元年復改郡爲州綜唐二
百九十年間稱郡者僅十六載耳志凡稱某州某郡者謂
本是某州中間曾改爲某郡非州郡之名同時並立也乾

元以後新置之州未經改郡故無郡名宋承唐制以州領縣而仍留郡名以備王公封號之用故地理志每州亦有郡名然有名無實較唐志似同實異

方鎮州境

至德後中原用兵刺史皆治軍戎遂有防禦團練制置等使

要衝大都有節度使寇盜稍息易以觀察使東都畿汝防禦

觀察使領汝州東都留守兼之河陽三城節度使治孟州領孟懷二州宣武軍節

度使治汴州管汴宋毫穎四州義成軍節度使治滑州管滑鄭懷三州忠武軍節度

使治許州管許陳蔡三州天平軍節度使治鄆州管鄆齊曹棣四州兗海節度使治

州管兗海沂密四州武寧軍節度使治徐州管徐泗濠宿四州平盧軍節度使治青

淄青登萊四州陝州節度使治陝州管陝虢二州潼關防禦鎮國軍使華州刺史領之

同州防禦長春宮使

同州刺史領之

鳳翔隴節度使

治鳳翔府管鳳翔府隴州邠

寧節度使

治邠州管邠寧慶

涇原節度使

治涇州管涇原朔方

節度使

治靈州管鹽夏綏銀宥豐會麟勝單于府等州

河中節度使

治河中府管蒲

昭義軍節度使

治潞州領潞澤邢洛磁五州

河東節度使

治太原管汾遼沁嵐石折憲等

大同軍防禦使

雲州刺史領之管雲蔚朔三州

魏博節度使

治魏州管魏貝博相盧衛

義昌軍節度使

治滄州管滄景德三州

成德軍節度使

治恒州領恒趙冀深四州

義武軍節度使

治定州領易祁二州

幽州節度使

治幽州管涿幽瀛莫檀薊平營嬀順等十

山南西道節度使

治興元府管開通渠興集鳳洋蓬利璧巴閬果金商等州

山南東道

節度使

治襄州管襄復均房鄧唐二州別立一節度

荆南節度

使

劍南西川節度使

治成都管彭蜀漢眉嘉資簡維茂黎雅松

扶文龍戎翼耶雋桃柘

劍南東川節度使

治梓州管梓綿劍普榮遂合渝盧等

州武昌軍節度使

治鄂州管鄂岳蘄黃安申光等州

淮南節度使

治揚州管揚楚滁和

舒壽廬等州

浙江西道節度使

治湖州管潤蘇常杭州

浙江東道節度使

治越州管越衛

福建觀察使

治福州管福建泉州漳州

宣州觀察使

治宣

池管宣歙

江南西道觀察使

治洪州管洪饒吉江袁信虔撫等州後升為節度使

湖南

觀察使

治潭州管潭衡邵連道永邵等州

黔中觀察使

治黔州管黔涪溪思費辰錦播施珍夷葉湊

南舞等州

嶺南東道節度使

治廣州管廣韶循南思春賀潮端藤康封龍高義新勤寶等州

嶺南

西道桂管經略觀察使

治桂州管桂昭蒙富梧潯鬱林平琴賓登繡象柳融等州

邕管

經略使

治邕州管邕貴黨橫田嚴山立羅潘等州

容管經略使

治容州管容辯白牢欽巖禺湯襲古

等州

安南都護節度使

治安南管交武我川粵芝愛田福祿州長峯陸廉雷龍環崖儋振瓊萬安等州

上元年後河西隴右州郡悉陷吐蕃大中咸通間隴右歸國

又析置秦州節度使

治秦州管秦成階等州

涼州節度使

治涼州管西洮鄯臨河等

州瓜沙節度使治沙州管沙瓜甘肅蘭伊岷廓等州魏博傳五世至田弘正入

朝十年復亂更四姓傳十世有州七成德更二姓傳五世至

王承元入朝明年王庭湊反傳六世有州四盧龍更三姓傳

五世至劉聰入朝六月朱克融反傳十二世有州九淄青傳

五世而滅有州十二滄景傳三世至程權入朝十六年而李

全略有之至其子同捷而滅有州四宣武傳四世而滅有州

四彰義傳三世而滅有州三澤潞三世而滅有州五

歐陽脩曰唐之盛世雖名天下爲十道而其勢未分既其

衰也置軍節度號爲方鎮鎮之大者連州十餘小者猶兼

三四故其兵驕則逐帥帥彊則叛上土地爲其世有干戈

起而相侵天下之勢自茲而分然唐自中世多故矣其興

衰救難常倚鎮兵扶持而侵凌亂亡亦終以此其利害之理然歟

五代州域

梁初天下別爲十一南有吳浙荆湖閩漢西有岐蜀北有燕晉而朱氏所有七十八州汴洛都雍兗沂密青淄齊棣登萊徐宿鄆曹濮宋亳單潁陳蔡許汝鄭滑襄均房鄧隨郢唐復安申蒲孟懷晉絳陝虢華商同耀邠寧慶衍鄜坊丹延夏銀綏宥靈鹽魏博貝衛檀相邢洺磁鎮冀深趙易祁定新置州一曰輝州

廿二史攷異李茂貞不列世家而入雜傳至職方攷仍以岐與閩蜀諸國並舉拓拔李氏世有夏綏銀宥靜五

州之地與荆南高氏同俱非五代所得有也梁初幽涿
檀薊順營平滄景德瀛莫諸州爲守光所據僭號稱燕
尋爲唐莊宗所併于梁無與歐公職方表列梁州八十
有一而序文云七十八者不數金虔韶也其實鄭冀深
趙屬王鎔易定屬王處直夏綏銀宥屬李仁福靈鹽屬
韓遜皆自擅其地與吳越荆湖無異然則朱氏所有實
六十餘州耳

後唐莊宗初起并代取幽滄有州三十五其後又取梁魏博
等十有六州合五十一州以滅梁胡三省云十三節度天雄
成德義武橫海盧龍大同
振武雁門河東護國晉絳安國昭義五十州魏博貝瀘相鄆
洛磁鎮冀深趙易祈定滄景德瀛莫幽涿檀薊順營平蔚朔
雲應新鵠儒武儀代嵐石憲
麟府并汾慈隰澤潞沁遼 岐山稱臣又得其州七同光破

蜀已而復失惟得秦鳳階成四州而營平二州陷于契丹

二州唐末劉仁恭以遺契丹後唐莊宗滅仁恭而取其地既滅梁後復陷契丹契丹改平州爲遼興府以營平二州隸之

號平州路又增置寰州府州合一百二十三州長興三年吏部侍

郎王權奏伏見諸道州府每閏年准例送尙書省職方地圖

頃因多事郡邑或遷館遞曾改添增鎮戍剏造城池如以舊

規錄爲正本必有差殊請頒下諸州所送職方地圖令按目

下郡縣鎮戍城池水陸道路經新舊移易者並載於圖其有

山嶺溪湖步騎舟楫各便於登涉者亦須備載奉敕諸道州

府據所管州縣各進圖經一本點勘文字無差悞其間有古

今事迹地里山川土地所宜風俗所尙皆須備載不得漏畧

石晉入立賂契丹以幽冀瀛莫涿檀順新媯儒武雲應寰朔

蔚十六州而得蜀金州又增置威州合一百九州

置德清軍於晉州

後漢初秦鳳階成復入于蜀隱帝時增置解州合一百六州

後周代漢十州入于劉旻世宗取秦鳳階成瀛莫及淮南十

四州

揚秦滁和海楚泗濠壽光廬舒蕲黃

又增置濟濱雄霸通五州而廢衍武

景三州合一百一十八州

置保順軍於無棣漢陽軍於漢陽雄勝軍於鳳州固鎮又廢景州爲

定遠軍威州爲通遠軍

及幼主禪位于宋凡州府軍監一百三十九縣

六百六十一軍監始自置屬縣

十國疆域

自江以南昇潤常歙宣鄂池饒信江洪撫袁吉虔一十五州
自江以北揚楚泗和滁光黃舒蕲廬壽海濠一十三州合二
十八州楊行密專據以建吳國南唐因之置秦州筠州又取

汀建漳泉四州復置劍州共三十五州其後周師來伐亡淮

北十四州閩又取漳泉二州以迄于亡右吳及南唐宋平江南得州

十九軍三縣一百八十成都府漢彭瀘蜀綿眉嘉劍梓遂果閬普陵

資榮簡印黎雅維茂文龍黔施夔安忠萬興利開通涪潯瀘

合昌巴蓬集壁梁潏戎興元府洋源金秦鳳階成右劍以南

及山南西道四十六州爲蜀通鑑唐紀莊宗克蜀得節度十州六十四縣二百四十九玉海

太祖取蜀凡得州四十六縣二百四十興王府本廣州漢改府南韶潮禎循齊昌府

封端英雄敬康恩思瀧勤新高潘雷羅辨邕春貴巒橫賓欽

潯容牢白廉常樂黨繡鬱林藤竇義禺順瓊崖儋萬安振思

唐交右自嶺南北四十七州爲南漢開寶四年南漢主降凡得州六十縣百二十四

錢大昕曰宋史地理志開寶四年平廣南得州六十較五

代史多者十四潮循龔恭思唐澄貴蠻

九域志作蠻恐誤唐書地理志亦作

蠻牛黨繡順振

宋志誤作順

禹

九域志禹州領縣四開寶五年廢州省裁石扶萊羅辯三縣入

容州北流縣即此州也

少者一郴潮循皆嶺南名郡不應缺畧明係

史家絀漏其餘十二州或因開寶五年省併故畧而不言

然職方攷所列嚴春羅潘勤瀧諸州亦開寶中省併何以

有書有不書郴州唐時屬江南西道五代為馬氏所有馬

氏滅郴入於南漢宋志建隆四年平湖南得州十五郴居

一似誤又攷唐書地理志嶺南道為州七十三都護府一

五季安南都護府及管內十一州不在南漢封域內其餘

六十二州皆南漢有也職方攷祇列四十有七而郴州不

在嶺南部內化與辯本是一州英雄二州又劉龔新置實

止四十三州耳其四十二州皆唐志所有惠州卽循州所

分南漢本名禪州歐公避宋諱依宋時州名名之又潮州

之程鄉縣南漢嘗立爲敬州宋志作恭州避諱改宋初改梅州唐嶺

南道又有義州宋初加南字太平興國初改曰南儀至熙

寧四年始省入藤州二州亦南漢所有而職方攷及宋志

皆失舉其名嶺南止東西兩道攷稱嶺南北殊非其實

長沙府本潭州楚爲府衡澧朗岳道永邵全辰潭至辰十州周時屬周行逢已而爲南唐

所取銅溪敘唐爲播敘二州之境後周時周行逢死敘州刺史鍾存志奔武陽而楊正巖以十洞稱敘誠二州卽

其地右湖南北十州爲楚續通鑑長編乾德元年三月盡復湖南舊地凡得州十四監一縣六十六

錢大昕曰按宋史地理志建隆四年平湖南得州一十五

謂潭衡邵郴道永全岳澧朗蔣辰銅溪敘也歐史郴屬南

漢與宋志異蔣溪等州以蠻地故略之

西府

杭州

安國衣錦軍東府

越州

蘇湖温台明處衢婺秀右浙

東西十三州爲吳越

續通鑑長編錢俶上表獻所管十三州一軍凡得縣八十六

南都

長樂府福州閩龍啟元年改長樂府天德二年以福州爲南

都領福泉建汀漳鏞鐔七州

後唐保大三年取汀建漳泉四州復置劍州福州入于吳越續

長編太平興國三年閩平海節度使陳洪進表獻所管漳泉二州得縣十四

江陵府州荆門軍

歸峽三州爲南平

續長編高繼冲以三州十七縣之地土表納土

太原府州并汾嵐

岢嵐軍憲忻代寶興軍遼沁隆石右太原以北十州爲北漢

續長編太平興國四年四月北漢平凡得州十軍一縣四十一